



Universitätsbibliothek Paderborn

Instructio Practica ...

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà
cum Rubricis ejusdem Missæ brevibus Notis illustratis

Lohner, Tobias

Dilingæ, 1676

Tit. XXIV. De Pace danda.

[urn:nbn:de:hbz:466:1-48307](#)

III. Dum dicit Orationem *Liberanos*, Patenam aliquantulum Purificatorio extergens, eamque inter indicem & medium digitum accipiens super Altare erectam tenet, sinistrâ super Corporale posita.

IV. Dum Hostiam frangit, incipiat à Superiori parte, particulam verò in Calicem immittendam, ab inferiori parte in manu sinistra relicta præcîdat. Gavant. p. 2. tit. 10. litt. Y.

Ritus Solemnis.

I. Finitâ Oratione Dominica Patenam à Diacono accipit, eamque, ut in privata Missa super Altari erectam tenet.

II. Quando vult genuflectere post verba illa *ab omni perturbatione securi non ipse pallam detrahit*, sed Diacono id faciendum relinquit, qui & eadem pallâ iterum cooperit Calicem, postquam particulam Calici Celebrans immerserit.

TITULUS XXIII.

D E A G N V S D E I.

Ritus Communis.

I. **S**Emper dicitur *Agnus DEI*, præterquam in Sabbato Sancto.

II. Quando dicit bis *Miserere nobis*, & tertîâ vice: *dona nobis pacem*: percutit tribus ultimis dextræ digitis pectus, manu sinistra interim super Altare positâ; quin etiam dextrâ post primum & secundum pectoris pulsum, nisi tam citò dicat illa verba, ut quiescere manus non possit. Deinde junctis super Altare manibus dicit tres Orationes consuetas cum humerorum inclinatione, quia licet Rubrica dicat, *Agnus DEI* inclinato capite dicendum, ipse tamen Ordo Missæ jubet, ut inclinatus (per quam vocem, teste Bauldrio, humerorum inclinatio indicatur) illud pronuntiet, atque adeò priorem Rubricam explicat.

TITULUS XXIV.

D E P A C E D A N D A.

Ritus Communis.

I. IN Missis privatis non datur Pax, nisi quando Prælatus aut Princeps interest. Bauldrius tit. 10.

II. In Missa pro Defunctis neque Pax datur, neque Oratione pro Pace dicitur.

III. Quando Celebrans in Missa privata ante Prælatum (intelligendo per hunc non Ecclesiasticos tantum aut Reliosos Antistites, sed etiam sæculares Principes) Orationem pro Pace dixit, & Altare in medio osculatus est, osculatur pariter instrumentum à Ministro oblatum, manibus ante pectus junctis, & iterum ad Altare se convertens, solitas Orationes prosequitur. Bauldrius p. 3. c. 10.

Ritus Solemnis

I. Si in Missa solemnii Diacono daturus est pacem, predictam Orationem osculatur Altare in medio, & sinistrâ genâ eidem Diacono appropinquans, eumque ita amplectens ut brachia bina super humeros illius ponat (ut Arnaudus tit. 10. n. 26. & Ordo Romanus præscribit) dicit ad eum: *Pax tecum.* Si tamen alicubi consuetudo habeat, ut, qui dat pacem, solam manum dextram super sinistrum humerum accipientis, sinistram verò sub axillis ponat, poterit & illa retineri.

II. Aliqui antè, quām Diacono pacem offerant, priu. Ven. Sacramento genuflectunt, idque iterum faciunt, quando se ad Sacramentum convertunt; sed quia Rubricæ & Authoræ solūm jubent genuflectere, quando accedit vel recedit à medio Altaris, in quo SS. Sacramentum expositum prostat neque ullius talis genuflexionis mentionem faciunt, ideo rētiūs videtur omitti.

III. Si in hac Missa etiam Prælato alicui pax danda est, Diaconus sub prima Oratione *Domine IESU Christe* ad dextram Celebrantis progressus accipit instrumentum, se tabellam pacis, genuflectit, finita Oratione surgit, & primum Celebrante Altare osculatur, postea appositiè porrigit tabellam osculandam Celebranti, qui solus eam oscularu dicens: *Pax tecum*, cui Diaconus respondet: *Et cum Spiritu tuo*, & mox facta genuflexione vadit ad Prælatum, eique porrigenis instrumentum pariter dicit: *Pax tecum.* tum ad Subdiaconum vadens, ei quoque instrumentum (nisi alicub. consuetudo habeat, ut per amplexum fiat) osculandum ob-

ferre aut du-

fert, & pacem precatur; Subdiaconus verò Cæremoniario per amplexum pacem defert. Gavant. tit. 10. n. 8.

IV. Qui pacem dat, antè nulli se inclinat, sed post tantum. Dum verò instrumentum porrigit, priùs reverentiae causa, illud quasi osculaturus decenter ad os suum retrahit, & tunc primum osculandum offert. Idem.

TITULUS XXV.

DE SUMPTIONE HOSTIÆ ET CALICIS.

Ritus Communis.

I. **D**um dicit: *Domine, non sum dignus*, non imponat Altari sinistrum cubitum, sed inter pectus & Calicem suspensum teneat, quia Rubrica jubet, ut postea primum cubitis super Altare positis Corpus Christi sumat; sed nec corpus profundè inclinet, dum eadem verba recitat, quia Rubricæ parvam tantum inclinationem præcipiunt. Neque teneat Hostiam elevatam ad latus, ut à Populo videatur, neque corpus contorqueat, aut unum pedem alteri imponat. Aliqui, dum Hostiam in manu tenent, manum decenter aræ imponendam esse contendunt, ne libera diu in aëre hæreat; sed hi minus conformiter Rubricis agunt, utpote quæ nihil dicit de manu Altari imponenda, quod tamen alias diligenter facit. Neque inconveniens est, manum in aëre suspensam teneri, si in aliqua re tenenda occupetur. Poterit tamen & hīc quisque communiori consuetudini se accommodare. Bauldrius tit. 10. num. 9. ad illa verba. NB.

II. Aliqui ante Sumptionem Hostiæ Meditationem instituunt, aut varios actus virtutum, ut humilitatis, contritionis, amoris, &c. exercent, aut vota sua (si Religiosi sunt) renovant, in quos Dicastillo d. 4. dub. 13. n. 269. tanquam nimis devotos insurgit; sed eorum Patrocinium suscipit P. Gobat num. 756. dicens: *Puto, non venisse ulli Pontifici intentem, prohibere moram in his actibus, utpote qui sint & multis consulendi; illis scilicet, qui cum conscientia certa aut dubia peccati mortalis inchoaverunt sacrum, vel eo jam*